





進

呈

大禮記注表

雍正四年五月二十五日經筵日講官

起居注太子太保文淵閣大學士兼戶

部尚書仍管翰林院掌院學士事

臣張

廷玉等謹以纂修



大禮記注進

呈者^臣等誠惶誠恐稽首頓首上言伏以

皇王建極道光百行之原

聖主作師禮立萬年之則慎徽五典溥

至德於寰區佐佑六經紀

鴻名於冊府是關治化宜勒典章^臣等竊惟

受乾坤降衷之性惟人獨得其純酬父

母罔極之恩惟聖克全乎孝肇興書契

初立簡編美天質之神靈必推本行語

帝功之魏煥爰始家庭由近而推堯化

實基於峻德雖潛必耀舜心用切於明

倫岐土承歡虔朝夕寢門之節鎬京膺

命定春秋祖廟之儀莫不刊竹素以垂

徽敘彝倫而表範顧亮陰之禮當周末

以莫行而服制之期在漢初而改定自
茲以降多因襲於前朝復古為難乃遭

逢於土承地氣博又深門之節氣

今日光昭則新難習必難於心以

聖典崇篤天經茲蓋伏遇或由致而

皇帝陛下美天寶之

德協唐虞之恩

統宗洙泗

仰承

昊天之眷命亶聰亶明

夙奉

聖祖之傳心惟精惟一問膳羞於

宮禁必著歡愉侍湯藥於

庭闈備彰敬慎逮乎

先皇龍馭痛極遐升

聖妣鸞駟悲深永往居廬寢苦想在日之

音容薦酒陳牲追平生之嗜好

壽皇殿內瞻

御像之如存昌瑞山前念重扃之永闕哀思之

意信感泣於鬼神號哭之聲殆震動於

山谷尊諡載加於

列祖善體

孝思隆儀上配於

郊壇丕揚

盛業臣僚入覲每道舊以泆瀾器物具陳輒傷

懷而悽慘簡賢育俊無非

錫類之思寬賦緩刑盡是

推恩之典齋居素服畢祥禫以爲期優見

大禮記注 卷一
四
非愾聞閱歲時而增篤虞帝終身之慕默
致精誠周王繼志之猷彰施政事考舊
章於歷代二千年之所未聞稽至行於
盛業由生民十七史之所未覲神明幽贊苗靈
液暨丕草於

陵岡物類潛孚翔慈禽於階砌薦筵將設飛縞
霞以沈陰復土既成現黃雲而煥爛至

若合雙輪於營室厥爲宗廟之區聯五
緯於姪訾是號天門之位蓋

聖人之德至於孝而無加故

乾象之祥因其時而有應表休徵於曠代既星

辰日月之同占迓景福於

皇躬自祿位名壽之咸得臣等幸依

軒陛切近

光華當盡倫盡制之時兼記言記動之職
 皇恩敢辭庸陋用竭悃忱共効力於丹鉛遂
 告成於卷帙輯歷年之典實非比傳聞
 尊卑之示奕葉之法程用垂久遠高文鉅筆雖
 聖人多遜於前修地察天明實親瞻於

盛世繼孝經之精義於古同符補儀禮之
 闕文自今大備臣等無任瞻仰

天仰

聖激切屏營之至謹奉

表隨

進以

聞

大

聖

書

少

卿

吳璽

經曾講官起居注李燾文淵閣學兼都尚書管翰林院掌院學事

臣張廷玉

經筵日講官起居注兵部左侍郎兼理翰林院掌院學士事

臣阿克敦

日講官起居注詹事府詹事臣陳萬策

日講官起居注翰林院侍講學士臣張照

大 理 寺 少 卿臣吳隆完

庶 翰 林 院 編 修臣劉嵩齡

未 翰 林 院 庶 吉 士臣汪敷

聖廟吏部文選司主事臣劉吳龍

天

大禮記注卷第一

欽惟我

皇上帝大孝性成至行純篤事

聖祖仁皇帝竭誠盡敬承歡四十餘年如一日

聖祖仁皇帝眷惟神器默定

聖衷康熙六十一年十一月冬至

南郊大祀時

聖祖仁皇帝聖躬冒寒靜攝於

暢春園

特命

上恭代

上以

聖躬違和懇求侍奉

左右

聖祖仁皇帝曰郊祀

上帝朕躬不能親往特命爾恭代事天典禮至

重惟爾可為朕虔誠齋戒展祀也

上遵

旨於齋所致齋時

皇四子久奉

旨特令在

宮內讀書

上又令皇三子弘時詣

暢春園晨夕祇候初十日十一日十二日

每日三次敬遣近侍恭請

聖安

聖祖仁皇帝皆傳

諭體中稍愈十三日甲午黎明

聖祖仁皇帝傳

諭朕疾大漸趣召四阿哥於齋所適

上遣近侍至

備曰暢春園請

安遂令承

旨宣召隨又

命誠親王允祉淳郡王允祐多羅貝勒允禩固

命煇縣山貝子允禔敦郡王允禎固山貝子允
旨宜晉禔十三阿哥允祥尚書隆科多至

御榻前

諭曰皇四子 人品貴重深肖朕躬必能克
承大統著繼朕登基卽皇帝位及

上馳至趨進

寢宮問

安侍奉其夜戌時

聖祖仁皇帝龍馭上賓

上哀痛號呼擗踊不已慟仆於地良久方起

趨至

御榻前撫足大慟及

更衣時敬體

聖祖仁皇帝孝思用

太皇太后昔日所賜御衣

上皆一一敬謹檢閱必先加之於首方敢進御又以

聖祖仁皇帝平素珍愛

太皇太后所賜冕服安置於傍以隨斂焉是時皇太后哀痛深至決意從殉

上稽顙痛哭奏云

皇考升遐以大事遺付冲人今

聖母若執意如此臣更何所瞻依亦惟以身相從耳再四哀懇

皇太后因慰

上心強勉抑制時諸王大臣恭議

大行皇帝龍馭升遐殯斂大禮允宜還

宮舉行卽於夜靜肅清時備黃輿恭請

大行皇帝還宮

上命淳郡王允祐守

暢春園

寢宮門

命固山貝子允禔先至

乾清宮汛掃敷設几筵

命十六阿哥允祿世子弘昇先至京城守衛

宮禁

命十三阿哥允祥尚書隆科多設儀衛清

御道

上親安奉

大行皇帝於黃輿

上攀依號哭徒步扶

輦隨行諸王大臣以

大行皇帝付託至重神器所係當此深夜執事

上禁繁雜懇求

大上前導以行輿

上乃前導

命誠親王允祉二十阿哥允禩率領儀衛隨

大行皇帝黃輿

命貝子允禔隨

皇太后金輿

命敦郡王允禎帶領幼小皇弟皇姪隨行

命十五阿哥允禑護送

先帝後宮

命貝勒允禩暫留

賜暢春園俟

先帝後宮盡發進京

大禮記注 卷一 七
上於路哭不停聲至隆宗門跪接

親扶春園翁

黃輿而入安奉

大行皇帝於

命乾清宮自夜徹晝號哭不止

命十四日乙未掌儀司

皇大奏稱宜以

大行皇帝駕崩告祭

奉先殿遣官一員行禮

上命領侍衛內大臣公馬爾賽行禮將行

召馬爾賽近前悲痛嗚咽良久

諭曰爾爲朕致誠默禱

太祖

太宗

世祖在天之靈何奪我

皇考之速也

皇考神靈不遠尚可返乎言訖悲哽不能自勝

是日部議公主王妃俱序列丹墀內舉

哀

上愀然曰

皇考之女朕兄弟之福金豈可遠列丹墀朕心

不忍著仍入大內親近

梓宮使得盡哀朕之兄弟子姪俱著入乾清門

內於丹陛上隨朕行禮舉哀

又日酉部

諭曰

皇考教養文武大小臣工六十餘年孰不躬沐

深恩今一旦辭世在外雖大殮却何命在具薄

升遐衆心哀痛切至於將大斂時可命王貝勒
貝子公文武大臣俱入乾清門內令其瞻
仰得盡哀戀之情

是日酉時

大行皇帝將大斂

上痛哭失聲擗踊無數

是日預

敕尚食凡

大行皇帝平日飲食所嗜及遠方珍味悉令供

御既斂遂奠凡尊罍簋簠

上皆躬自捧進敬謹陳設不假手於執事者

勸侑飲食若

聖祖仁皇帝音容儼在哀感羣臣咸痛哭伏地

莫能仰視比撤奠諸王大臣皆環跪捧

上足再三懇請

節哀

上良久方起先是王大臣

奏請

上御昭仁殿或

大御弘德殿

上垂涕曰今遭

皇考大事哀痛方深何忍安居內殿其以乾清

宮東廡為倚廬

是日

命貝勒允禩十三阿哥允祥大學士馬齊尚

書隆科多總理事務

又奉

旨八阿哥十三阿哥俱封親王

皇考已有諭旨二阿哥只有一子弘皙著封郡王在右翼王等班次行走

十五日丙申黎明

命宮門未啓

上自苫次號哭至

梓宮前上香盡哀辰刻行朝奠之禮哭泣悲痛
恭捧尊罍簋盞供獻如前日中午奠脯

時夕奠禮皆如之初昏

上復哀號至

梓宮前上香悲慟自是以後每日五次哭必盡

哀

居倚廬中晝必席地夜必寢苦思慕靡極哀

哭無時至性由中聲淚俱發又慮

聖母高年過於哀痛數詣請

安夜則每至五鼓即

親詣

寢門詳問內監

皇太后安否何如當尚食時

聖祖仁皇帝大小舊臣俱得進列

宮墀叩顙攀號諸外藩夙蒙

聖祖仁皇帝恩遇朝覲在京師者

命瞻近

梓宮以伸其感戀悲慕之情

上哀愴益深諸藩王皆環跪膝下伏地悲慟

上每見

聖祖仁皇帝舊臣或語及舊事即涕泗滂沱哀

不自禁諸臣進謁者仰見

孝思肫切莫不悲愴感動云

上哀瘠過甚水漿不入口者三日總理事務

王大臣諸王大臣等以餽粥勸

進

上曰朕受

皇考付託之重朕自酌量可進飲食朕自少進

若勉強飲食反於朕躬無益朕斷不肯少

有假偽嗣後不必勸奏

皇太后因

上過於毀瘠屢

諭勉進飲食

上曰謹遵

慈諭能進飲食之時臣必稍進飲食諸王大臣

大臣等又公同跪

奏臣等仰見

皇上至性純孝過於哀慟伏思

大行皇帝付託至重

天

地

宗廟

社稷所關甚大叩祈

皇上少節哀痛以保護

聖躬奉

旨

皇考之恩深重不但諸王大臣思慕無窮凡官

員兵民無不思慕况朕受

皇考養育深恩盡孝盡哀乃朕為子之道朕亦

自量不至過哀諸王大臣所奏知道了

是日奉

上諭

皇考大事典禮文章關係甚爲緊要吏部侍郎
張廷玉爲人老成著兼學士銜協同翰林
院掌院學士阿克敦勵廷儀敬謹辦理

又奉

上諭蒙古賓客皆

皇考恩養之人來時視其品級高下排列整齊

加意照看勿使勞苦

又奉

上諭先時因

皇考甚愛惜諸蒙古王台吉等一應大事其未
出痘者皆不令來京朕何敢違

皇考旨意而行著行文各蒙古處其未出痘者
斷不可前來諸蒙古賓客皆感戴我

皇考撫養重恩今來朝謁梓宮非常日可比著增給口糧

出又奉

皇上諭

梓宮前太監因

皇考大事奔走服役值此嚴寒朕心深爲惻憫著俱賞給皮衣

十六日丁酉禮部謹

奏宣讀

大行皇帝遺詔儀注奉

旨著問該部此儀注內只議諸王大臣行禮如何不議及朕躬禮部回

奏

遺詔特曉諭內外頒行天下舊典未載

皇上應行之禮所以未敢具議奉

上諭

遺詔自宮中捧出時朕豈可照常靜處乎其作

何行禮之處總理事務王大臣禮部公同

議奏覆

奏

遺詔捧出時

大皇上在

乾清宮簷下立

遺詔過時

皇上跪俟

詔過起

皇上回苫次奉

旨是

是日大學士恭捧

遺詔將出

上西向跪於

乾清宮之門外哭泣悲哀敬候

遺詔出

上乃起

大行皇帝遺詔曰從來帝王之治天下未嘗不

以敬

天法

祖為首務敬

天法

祖之實在柔遠能邇休養蒼生共四海之利為

天利以天下之心為心保邦於未危致治於未

亂夙夜孜孜寤寐不忘為久遠之國計庶乎

近之今朕年屆七旬在位六十一年實賴

天地

宗社之默祐非朕涼德之所致也歷觀史冊自

黃帝甲子迄今四千三百五十餘年共三百

一帝如朕在位之久者甚少朕臨御至二十

年時不敢逆料至三十年三十年時不敢逆

料至四十年今已六十一年矣尚書洪範所

載一曰壽二曰富三曰康寧四曰攸好德五

曰考終命五福以考終命列於第五者誠以

其難得故也今朕年已登耆富有四海子孫

百五十餘人天下安樂朕之福亦云厚矣卽

或有不虞心亦泰然念自御極以來雖不敢

自謂能移風易俗家給人足上擬三代明聖

之主而欲致海宇昇平人民樂業孜孜汲汲

小心敬慎夙夜不遑未嘗稍懈數十年來殫
心竭力有如一曰此豈僅勞苦二字所能該
括耶前代帝王或享年不永史論槩以爲酒
色所致此皆書生好爲譏評雖純全盡美之
君亦必抉摘瑕疵朕今爲前代帝王剖白言
之蓋由天下事繁不勝勞憊之所致也諸葛
亮云鞠躬盡瘁死而後已爲人臣者惟諸葛

亮能如此耳若帝王仔肩甚重無可旁諉豈
臣下所可比擬臣下可仕則仕可止則止年
老致政而歸抱子弄孫猶得優游自適爲君
者勤劬一生了無休息之日如舜雖稱無爲
而治然身沒於蒼梧禹乘四載胼手胝足終
於會稽似此皆勤勞政事巡行周歷不遑寧
處豈可謂之崇尚無爲清靜自持乎易遯卦

六爻未嘗言及人主之事可見人主原無宴息之地可以退藏鞠躬盡瘁誠謂此也自古得天下之正莫如我朝

太祖

太宗初無取天下之心嘗兵及京城諸大臣咸云當取

太宗皇帝曰明與我國素非和好今欲取之甚

易但念係中國之主不忍取也後流賊李自成攻破京城崇禎自縊臣民相率來迎乃翦滅闖寇入承大統稽查典禮安葬崇禎昔漢高祖係泗上亭長明太祖係皇覺寺僧項羽起兵攻秦而天下卒歸於漢元末陳友諒等蠡起而天下卒歸於明我朝承席

先烈應

天順人撫有區宇以此見亂臣賊子無非爲真
主驅除也凡帝王自有天命應享壽考者不
能使之不享壽考應享太平者不能使之不
享太平朕自幼讀書於古今道理麤能通曉
又年力盛時能彎十五力弓發十三把箭用
兵臨戎之事皆所優爲然平生未嘗妄殺一
人平定三藩埽清漠北皆出一心運籌戶部

帑金非用師賑飢未嘗妄費謂皆小民脂膏
故也所有巡狩行宮不施采績每處所費不
過一二萬金較之河工歲費三百餘萬尚不
及百分之一昔梁武帝亦創業英雄後至耄
年爲侯景所逼遂有臺城之禍隋文帝亦開
創之主不能預知其子煬帝之惡卒致不克
令終皆由辨之不早也朕之子孫百有餘人

朕年已七十諸王大臣官員軍民以及蒙古人等無不愛惜朕年邁之人今雖以壽終朕亦愉悅至

太祖皇帝之子禮親王饒餘王之子孫現今俱各安全朕身後爾等若能協心保全朕亦欣然安逝雍親王皇四子 人品貴重深肖

朕躬必能克承大統著繼朕登基卽皇帝位

卽遵典制持服二十七日釋服布告中外咸使聞知

是日

上命總理事務王大臣等議恭移

梓宮安奉之處諸王大臣等謹議南海子舊衙

大門及鄭家莊新造

行宮此兩處

殿宇深嚴制度宏敞俱係

大行皇帝頻經駐蹕之地可以安奉

梓宮恭請

皇上欽定奉

上諭朕受

皇考深恩如天罔極忽升

仙馭攀戀無從惟有朝夕瞻近

梓宮稍盡哀慕之忱此二處隔越郊外離宮禁

甚遠朕心不忍爾等所議未當

世祖章皇帝大事時曾安奉於景山壽皇殿朕

意亦欲安奉於景山壽皇殿庶得朝夕赴

梓宮前親行奠獻爾等卽傳諭該部速爲敬謹

修理

皇太司十七日戊戌

皇太后以哀痛過甚痰疾舉發

上於苦次之中盡禮盡哀又慮

聖母違和每日數數

親詣問安奉安景山等聖母

安至夜復問大率初會安奉安景山

安數次晨昏罔間祇敬承顏委曲寬慰憂瘁不

解至

聖母起居復常然後稍釋

是日禮部以

登極儀注具

奏奉

旨爾等所議自乾清宮月臺坐轎出乾清門

正門等語乾清宮雖垂簾幕朕何忍在

皇考前卽坐轎出中門著將轎預備在乾清門

朕從東旁門出再坐轎朕心始安

是日禮部謹

奏為請

旨事據七旗閒散覺羅查喇等呈稱臣等世

受

主恩懇為代

題請

賜孝布等語查得定例有官職之覺羅視其

品級給與孝衣從無與閒散覺羅孝衣

之例因此臣等未經議及今現在七旗

所有閒散覺羅千有餘人此內除年老

病廢並未及年齒者外能行走者將及

三百人此等應給與孝布之處伏候

上裁本日奉

旨閒散覺羅等請穿孝甚是部議老病及年
未及歲者不給著一體頒給能行走者行
走不能行走者在家守孝可也

十八日己亥

上以

大行皇帝遺詔有二十七日釋服之

旨

諭滿漢大臣朕凡事無不遵奉

皇考遺旨而行但持服乃人子之道二十七日
服制之處朕斷然不從設若此事朕不得
行其志必致懣恨無已爾諸王滿漢大臣

宜體朕意

十九日庚子

諭總理事務王大臣等朕於

仁孝皇后

孝懿皇后

太后之宗族平日並未往來故不相識著總理

事務王大臣查明除

三皇后近族公侯伯以外照伊官職加一級隨

班行禮

是日禮部

皇太后奏稱本月二十日紹承大寶告祭行禮恭

請停止

皇親詣

梓宮前奠酒併請

欽定恭代奠酒之人奉

旨奠酒時朕仍親奠強自節哀朕冀得多近

皇考梓宮明早上食時爾部大臣引朕至乾清

大禮記注 卷一
皇太后宮門外朕親奠畢旁立俟撤祭後再行告

旨祭禮部知

先是禮部以本月二十日

皇上初登大寶詣

皇太后前行禮儀注遵

旨啓奏

皇太后奉

上諭

皇太后懿旨宣與諸大臣皇帝誕膺大位理應受賀至與我行禮有何關係况

先帝喪服中卽衣朝服受皇帝行禮我心實爲不安著免行禮欽此著總理事務王大臣禮部內務府總管等再行恭懇

皇太后本日王大臣等

皇太后奏稱恭惟大皇帝

皇太后以孫承澤管管再行恭懇

先帝孝服為重不受行禮但此係孫王大臣

大臣本朝歷來遵行之禮今帝行斷非心實為

皇上初登寶位有關大典新定

皇太后若受朝賀則大臣皇帝親親大臣

皇上受諸王大臣朝賀始安臣等伏乞

皇太后俯念

國家大典允臣等所請受

皇帝行禮繕摺轉

奏

皇太后仍堅執不允

上於宮中屢次懇請得奉

慈諭隨降

御批諸臣所奏

皇太后覽過仍不受禮朕再三懇求奉

皇太后懿旨云諸大臣等既援引

先帝所行大禮懇切求請我亦無可如何知道

了今晚於

梓宮前謝

恩後再行還宮欽此傳諭王大臣等知之

大禮記注卷第二

康熙六十一年十一月二十日辛丑

上卽

皇帝位於

太和殿

詔示天下

是日黎明

大禮記注 卷二
上素服詣

梓宮前跪上香告受

命於

大行皇帝行三跪九叩頭禮哀感彌甚至東偏

殿易袞冕詣

永和宮於

皇太后前行三跪九叩頭禮畢

升殿受羣臣朝先是禮臣具

御殿儀注行禮既畢列坐賜茶

上曰朕因祇承

皇考遺命勉抑哀痛成此大禮豈忍安坐飲茶

卽在朝羣臣亦誰能下咽著停止賜茶又

以捧寶近侍應捧

玉寶由

乾清宮甬路中行

上曰此寶雖

皇考舊日所御今傳之於朕卽朕之寶也

梓宮在上豈可竟由中路而出著由甬路旁行

是日自

駕初出以至回

宮

聖容哀戚涕泗交頤雖欲強制不能自已近

臣仰見

皇上孝思肫摯莫不感動云

詔曰惟我國家受

天綏祐

太祖

太宗肇造區夏

世祖章皇帝統一疆隅我

皇考大行皇帝臨御六十一年德茂功高文經

武緯海宇寧謐曆數悠長不謂謝棄臣民

遽升

龍馭親授神器屬於藐躬朕

皇考大行皇帝

德妃之子昔皇二子弱齡建立深為

聖慈鍾愛寢處時依恩勤倍篤不幸中年神志

昏憤病類風狂

皇考念

宗社重任付託為艱不得已再行廢斥待至十

有餘年沉疾如故痊可無期是以

皇考升遐之日

詔朕繼承大統朕之昆弟子姪甚多惟思一體

相關敦睦罔替共享昇平之福永圖磐石
之安孔子曰三年無改於父之道我

皇考臨御以來良法美政萬世昭垂朕當永遵
成憲不敢少有更張何止三年無改至於
皇考知人善任至明至當內外諸大臣朕方亟
資翊贊以期終始保全務宜竭盡公忠恪
守廉節俾朕得以加恩故舊克成孝思倘

或不守官箴自干國紀既負

皇考簡拔委任之恩又負朕篤愛大臣之誼部
院屬吏直省有司亦宜實心任事潔已奉
公不得推諉上官自曠厥職天下百姓受
皇考恩澤日久蠲賑頻施勸懲備至間有愚氓
甘犯律令

皇考每遇讞決必加詳審爰書累牘披閱靡遺

皇考如天好生之意茲因諸王貝勒大臣文武
各宜孝親敬長畏罪懷刑以副朕仰法

官員人等僉謂天位不可久虛再三陳請
朕勉狗輿情暫抑悲痛於是月二十日祇

告

天

地

宗廟

社稷卽皇帝位以明年爲雍正元年仰惟

先志之宜承深望

皇圖之永固通昭新化期衍舊恩於戲追慕

前徽繼述無忘於夙夜廣推

聖澤恩膏願被於寰區凡爾親賢文武其共矢

盡誠各輸心膂用紹無疆之業永垂有道
之庥布告天下咸使聞知

是日

諭禮部朕惟自古賢聖之君必有顯號徽稱
以昭功德之盛垂於萬世此國家不易之
鉅典也仰惟我

皇考大行皇帝臨宇六十一年早承大統寅畏

小心旦明凜昭格之忱

郊祀親升中之典鑒於成憲率由舊章孝奉
兩宮尊養兼至展敬

陵

廟備物盡誠總攬萬幾阜成兆姓蠲賦動盈千
萬賑恤曾不稽時水旱先籌雨暘應念寬
刑肆赦德洽好生盛暑則釋囹圄嚴寒則

賑饘粥兵糧預給優賞頻頒准甸屢巡動
數百萬之帑金運

睿謨而兩河底績魯邦

特幸行數千年之殊禮屈

帝尊而九拜崇師覽奏牘而利弊周知覲臣僚

而賢愚立辨保全勲舊庇蔭宗支廣育人

材敦厚風俗布昭

聖武申討不庭元裔背叛而旋踵就殲三孽逆

命而尅期獻馘俄羅斯佔喀爾喀之疆圉

諭以威德卽奉約章喀爾喀逼厄魯特之

暴殘納其困窮胥登衽席噶爾丹肆毒鄰

境三臨絕漠埽靖烽烟策妄阿喇布坦摧

滅與國出師命將恢復藏地臺灣置郡紅

苗革心南朔東西無思不服至於

天縱生知日新好學講筵時御手定六經廣博
士於五賢配先儒於十哲文嬾二典書邁
百家貫徹天文總括地理旁羅術數考正
元聲研索羣編折衷百代凡此難名之美
善洵亘古帝王首出之

一人雖復累牘連章不能紀述萬一朕方與天
下臣民均切怙戴不意

龍馭上賓顧予冲人嗣膺大統仰承

佑啓之恩敢後顯揚之禮謹考彝章宜升

尊諡爾部詳察典禮具奏

又

諭禮部朕惟君國之道必崇孝理化民之本

務重尊親欽惟我

母后仁承

天德順協坤儀恭儉溫慈懋昭淑範恩勤顧復
誕育藐躬朕纘荷鴻圖恭承

懿訓顯揚

聖善儀典宜隆式考舊章恭上

皇太后尊號爾部詳察典禮具奏

又

諭總理事務王大臣等朕奉

皇太后懿旨

孝懿皇后曾撫養皇帝貴妃乃

皇后之親妹我意欲將貴妃封為皇貴妃又和

妃奉事

先帝最為謹慎將和妃封為貴妃可否與皇帝

商議朕惟

皇太后之心至仁至厚此

旨實為允當貴妃封為

皇考皇貴妃和妃封為

皇考貴妃爾等會同禮部察例具奏

又

諭總理事務王大臣等朕前日請

皇太后安奉

皇太后慈諭爾兄弟之母爾當加意相待朕念

十二阿哥之母與

皇太后同日進宮甚為謹慎多年侍奉

皇考亦列嬪位今將十二阿哥之母封為妃戊

子年

皇考聖躬違和朕等請

安

皇考呼十五阿哥十六阿哥至榻前曰朕此番

抱病爾二人之母晝夜侍奉衣不解帶爲日甚多殊爲勞苦爾等後日須盡孝道今將十五阿哥十六阿哥之母嬪亦封爲妃再現在有會生兄弟之母未經受封者俱封爲貴人六公主之母封爲嬪內有一常在年已七旬亦封爲貴人

二十一日壬寅諸王大臣等以

萬幾至重咸候

聖謨治理請遵

大行皇帝遺詔二十七日釋服具奏奉

上諭

皇考大行皇帝聖德神功罕有比倫實爲亘古未有之

聖君朕亦不宜行近代相沿之典禮釋服之制

以日易月雖始於漢文而高宗諒陰三年獨非古制乎朕不能上比高宗而哀慕之情不能自己若謂三年有悞政事則二十七日之內可保不悞乎况朕有賢好昆弟親信大臣可以代朕總理庶務若謂二十七日之制

皇考既已行之於前須知

皇考御極之始正在冲齡朕非行前代未行之典禮以爲超越前人然稽之史冊漢文以來誰能媲美

皇考爾諸王公大臣多平素讀書博通典故若從漢文以來能舉一聖君如我

皇考者朕自當勉從衆請爾等若不能舉一媲美之聖君則朕又安忍守漢文二十七日

之制乎本朝舊制釋服亦待百日之期庶
可少盡思

君思

父之哀衷揣爾等之意惟恐過勞朕躬殊不知
朕若持服尚可少進餽粥暫眠苦塊若必
強朕釋服則朕必至寢食俱廢矣

皇考遺命一言一字朕無不拳拳服膺只此二

十七日釋服之

詔非敢故違而

罔極恩深哀思迫切雖蹈違命之愆亦不恤也
朕言及此曷勝嗚咽實不能悉朕之悲懷
爾諸王大臣其諒之

是日奉

旨朕之弟兄皆

皇考之子著輪班詣

皇考前獻茶今日日中令誠親王獻茶晚飯時
令恒親王獻茶其諸弟中有足疾者預先
在廊簷下少候再獻二十阿哥以下俱各
年幼獻茶時令太監等相助行禮

二十三日甲辰行初祭之禮

上備盡哀敬至讀祭文時頌述

聖祖仁皇帝神功聖德

上尤深感慟不能自止

祭文

昊天罔極永懷鞠育之深恩

至聖難名莫報生成之大德侍

龍顏其不再言笑長違凜

寶訓其猶存形聲頓隔悲哀倍切孺慕彌深欽

惟

皇考大行皇帝

智勇懋昭

寬仁翔洽緬惟

聖德承

列祖而昌大弘基追憶

皇猷貫三才而發揚盛業允文允武

身兼創守之模同軌同倫人仰

恩威之溥風清絕塞澤徧神州

旰食宵衣歷六十餘年如一日柔遠能邇合千

八百國爲一家旣奏績於平成益施恩於

中外省刑宥過

好生之德同天發粟蠲租

懷保之功洽地爲民生而錫福節儉

躬行繼道統而聞知

君師兼任敷揚莫罄亘古無倫方期永保

軒齡何意忽升

仙馭垂億萬斯年之

深仁厚澤兆姓攀號念四十五載之

顧復恩勤終身感慕淚注江河而莫竭哀銜日

月以俱長於戲晨昏如昨問

寢膳以何從牲醴初陳叩

几筵而長痛伏祈

昭鑒憫此哀忱

先是和碩康親王臣崇安等謹

奏爲

聖孝之哀慕無窮大禮之成憲有節謹瀝愚

誠合詞虔懇伏乞上遵

遺詔下慰羣情事伏奉

上諭臣等跪讀之下感悚涕零竊惟

大行皇帝聖德神功從古無倫自三代以下實

無一賢聖之君可以媲美

大行皇帝者

皇上純孝超絕千古

聖諭諄切臣等苟有人心敢不仰體

孝思以慰

聖衷但再四思維有不得不伏地懇乞者從

來天子之孝與士庶人不同孝經云天

子以德教加於百姓施於四海爲孝殷

高宗諒陰之解晉臣杜預謂不言服喪

三年而云諒陰三年者明釋服後心喪

之文也宋臣鄭樵謂自周康王以後無

諒陰不言之文勢不能行也杜氏通典
謂三代人主已無行三年之喪者至漢
文帝定以日易月之制二十七日而除
迄今數千餘年賢主哲后未能改易名
臣大儒無有異議蓋以

皇上一身為

郊壇

宗廟

社稷之主祭為吉禮必於除服後舉行若二十
七日而

皇上不即除服則

郊

廟之禮不能

大親行除夕孟春上辛諸祀未免有闕

大行皇帝大孝純篤聖學淵深若二十七日之制稍有未協可以更易豈肯於

遺詔中諄諄垂訓伏乞

皇上仰思

郊

廟神靈之所倚賴俯念中外臣民之所託命勉遵

遺詔曲順輿情卽頒

俞旨臣等不勝哀懇惶悚之至謹

奏本日奉

旨覽諸王大臣所奏引據經書義理明晰朕惟有嗚咽悲慟耳始知為君之難祇此持服一節乃天子第一苦衷曾不如臣庶尚能各盡其心雖勉從所請朕之哀思因茲

愈切矣

是日

上諭前鋒統領護軍統領護衛

皇考梓宮之軍士想伊等俱各盡心內或有一

二人小事錯誤爾等須從容教誨若即加

責罰此時正在孝服之內殊非朕意

是日

上諭總理事務王大臣

世祖皇祖考之乳母自幼看奉

皇考

皇考時常獎譽又

皇考之乳母自幼撫看朕躬朕追念之欲加恩

典兩家之子孫係何官職今在何處當如

何加恩之處總理事務王大臣禮部滿漢

大臣內務府總管恒親王裕親王公同議

奏兩宗之子孫糾正官職合宜以成富貴

皇清乙巳二十四日乙巳滿漢諸大臣等謹

皇清奏 臣等仰見

皇皇上哀痛過甚伏乞少爲節減調護

聖躬以慰臣民之心奉

旨知道了朕自然節哀

是日總理事務王大臣內閣禮部翰林

院等謹

奏欽惟

大行皇帝

道接義軒

心傳堯舜

備生知安行之德

兼守成創業之模

集千聖之大成

超百王而首出洵生民所未有爲史冊所希

聞茲奉

上諭令臣等恭遵典禮擬上

大行皇帝

尊諡

廟號臣等竭盡愚忱博稽載籍

大行皇帝御極六十餘年

聖德神功比擬頌揚莫罄萬一

尊諡

廟號乃追崇之大典臣等管窺蠡測未能仰盡

高深伏惟我

皇上至孝性成晨昏侍側惟

聖人能知

聖人仰祈

皇上睿思親定始能顯揚

前徽昭垂萬世臣等不勝虔懇願望之至謹

奏請

旨奉

上諭

皇考大行皇帝

尊諡

廟號諸王大臣等請朕親定朕思子臣尊崇

君父之心何有止極然必須至允至當方孚千

秋定論若少有溢美之詞不獨失天下之

至公且開後人之僭越是因臣子之愚忠

愚孝轉將

君父盛德大業之實行涉於贊頌之虛文朕心殊不安也我

皇考大行皇帝纘繼大統舊典本應稱宗但經云祖有功而宗有德我

皇考鴻猷駿烈冠古轍今拓宇開疆極於無外且六十餘年

手定太平德澤溥萬國來王論繼統則爲守

成論勲業實爲開創朕意宜崇

祖號方副

豐功但追崇大典攸關理應僉謀共協一人之心卽千萬人之公心一時之論卽千萬世之公論爾諸王大臣等可會同九卿詹事科道文六品以上武四品以上詳考舊章從公確議毋得依違毋得附和務期紀實

以垂萬年若少有幾微未協知而不言則
大非臣子忠愛之道特諭

二十七日戊申

上諭今值大事守護

梓宮之軍士內監輩有寒苦者各賞銀三十兩
整理衣服此項錢糧從朕藩邸取用

是日諸王貝勒貝子滿漢諸大臣官員

等伏祈

皇上強節哀慟以慰天下臣民之意具摺啓
奏奉

旨朕躬尚可支持朕心如能強制必依所請
諸王大臣誠切愛朕之心知道了

是日總理事務王大臣等

奏稱十二月初三日恭送

梓宮時

皇上於景運門外

親候

梓宮升龍輿後

皇上由蒼震門神武門北上門行至景山迎

接奉

旨朕躬必隨

梓宮而行

二十八日巳酉和碩康親王臣崇安等

諸王貝勒貝子公文武滿漢大臣官員

會同謹

奏為廷議僉同輿情允協恭

上

鴻名以垂萬年事十一月二十四日奉

上諭恭上

皇考大行皇帝

尊諡

廟號

命臣等詳考舊典從公確議仰見

皇上至仁純孝以

諡

廟鉅典慎重周詳廣詢羣議稽考典章務期允

當欽惟

大行皇帝功德巍煥高出三代以上之聖主賢

君雖集古今之徽名美號猶不足表揚

萬一

大行皇帝聖學淵深言成謨典尊師重道

手定六經禮正樂成誕敷文教此堯之文思也

聲靈所震無思不服開拓宇宙混一車
書肆征不庭三孽莫遂止戈包革天下
晏安此湯之神武也明四目達四聰無
遠不周無微不燭知來藏往觀化窮神
此舜之睿哲也一日萬幾孜孜無倦深
宮燕處不敢康寧盛暑必衣冠嚴寒猶
朝夕此堯之允恭也玉食不盈數器御

衣常至十年物用無金璧之裝宮殿無
繁華之飾此禹之克儉也蠲賦免徭緩
刑恤獄澤厚宗支賞優士伍秉中和之
性具含容之量小過多原寸長不棄六
十餘年民物各遂其生者皆

大行皇帝寬裕之恩也定省

兩宮時日無間以天下養愉色根心此

大行皇帝承歡之大孝也恢

三朝之功烈弘大統之規模區夏咸寧聲教四

洽此

大行皇帝繼述之大孝也寅畏小心恪勤克慎

躬親

郊祀嚴肅致齋此

大行皇帝之敬

天也憲章典訓對越在天

廟祭致虔如臨左右此

大行皇帝之敬

祖也健行無息成己成物精意由中修辭立本

出教施令孚乃化邦此

大行皇帝之誠也虛己待物不逆詐偽泛應曲

當動如四時此

大行皇帝之信也具仁義禮智信之全備溫良

恭儉讓之美自堯舜以來未有如

大行皇帝德之盛者八表宅心九有向化西北

部落輻輳藁街東南諸藩頓顙

闕下兩河底績成萬年永濟之勲海外咸

朝開萬里難通之域自堯舜以來未有

如

大行皇帝功之大者

天

地化育有未周者

大行皇帝實贊之

祖

宗經綸有未竟者

大行皇帝實弘之

孔子集千聖之大成

大行皇帝集百王之大成也臣等謹按傳云爲

人君止於仁禮運云仁者義之本順之

體也得之者尊說文云在天爲元在人

爲仁故易曰元者善之長仁者德之首

大行皇帝體元立政茂育羣生以義制事綏安

兆姓臣等竊謂史稱帝堯其仁如天惟

大行皇帝實與竝之又按禮經云有虞氏禘黃

帝而郊饗祖顓頊而宗堯而尚書舜典

云舜格於文祖釋者謂藝祖堯之祖也

合之祖顓頊之文則有虞氏有三祖矣

宋臣陳祥道云凡配天者皆得稱祖故

國語展禽又有有虞氏祖高陽而郊堯

之說堯所以稱文祖也顓頊至堯皆黃

帝子孫而不嫌於皆稱祖又周禮大宗伯禘禘追享朝享解云古者朝廟合羣祖而祭焉故禘謂之朝享以合羣祖爲不足又禘其祖之所自出故禘謂之追享夫祖之所自出始祖也而其下曰羣祖知自始祖以下皆稱祖矣自唐虞夏商無追王三代之文而武王周公追王

太王王季孔子稱爲達孝故記云上治祖禰尊尊也又諡義曰帝王功業隆盛引古者祖有功之義得稱祖此皆經書所載稽考可據者也臣等區區愚衷竊謂惟

聖字可以贊揚

大行皇帝之峻德惟

大禮記注卷二
祖號可以顯彰

大行皇帝之隆功

上諭謂

大行皇帝論繼統則爲守成論勲業實爲開創

朕意宜崇

祖號方副

豐功此非

皇上及諸臣數百人之心實天下億兆之公

心亦非今日在廷諸臣一時之論實千

萬世之公論也臣等恭擬敬

上

大行皇帝

尊謚曰

合天弘運文武睿哲恭儉寬裕孝敬誠信功德

大成仁皇帝

廟號曰

聖祖天下萬世稱曰

聖祖仁皇帝洵為符合典禮慰順人心昭垂青

史與日月齊光宣述大猷與乾坤並永

矣臣等合詞謹

奏本日

召總理事務王大臣滿漢大學士尚書掌院

學士等入

見

諭曰諸王大臣官員俱深悉我

皇考一生神聖實行同心合詞恭上

尊稱無一人異議甚愜朕懷朕之哀思庶可稍

備釋矣

諭畢矣

皇上持針刺中指出血將本內
聖祖字圈出敬恭高捧交與大學士等齎出

是日

諭總理事務王大臣

陵寢自修理以來已歷有年所今應重新修理
著交與該部應彩畫裝飾者即行彩畫裝

飾或派司官或派大臣監修著議奏

總理事務王大臣

奏稱臣等詳思

陵寢事甚重大相應派內務府總管一員工部
堂官一員過初三日即往看閱應修理

者奏

聞修理至動土後詳視

陵寢地宮之處俟奏

聞後再議謹將大臣職名啓

奏

欽點本日奉

旨修理

陵寢朕兄弟內應派一人今派十七阿哥允禮

去再著孫查齊佛保去

是日禮部以元旦

萬壽冬至表文式樣請撰擬頒發奉

旨

皇考大事尚未過百日元旦上表朕心不忍著

九卿詹事科道會議具奏

又

諭內務府總管等諸王大臣僉云朕持服二

十七日之後應居住乾清宮朕思乾清宮
乃

皇考六十餘年所御之宮殿二十七日之後朕
卽居住其中心實不忍朕意欲居於月華
門外養心殿爾等可將殿內一應陳設敬
謹收撤葺治務令素朴以備朕居朕不敢
謂遵古二年諒陰之禮然必於養心殿內

守孝二十七月以盡朕心爾等可同該司
料理



